

ՏԵԽՆԻԿԱԿԱՆ ԱՌԱՋԱԴՐԱՆՔՆԵՐ

Ժամանակացույց՝ հոկտեմբեր, 2022

Աշխատանք՝ Ֆիլմի նկարահանում

Վայրը՝ Շիրակի մարզ, Հայաստան

Սկիզբը՝ հոկտեմբեր, 2022

ՆԵՐԱԾՈՒԹՅՈՒՆ

Սույն տեխնիկական առաջադրանքները սահմանում են 1 ֆիլմի նկարահանման պահանջները: Աշխատանքը իրականացվելու է Ավստրիական զարգացման գործակալության և Կարիտաս Ավստրիայի կողմից ֆինանսավորվող «Իմ իրավունքը: Ներառական կրթություն Հայաստանում և Կոսովոյում» ծրագրի շրջանակներում:

Վերոնշյալ ծրագիրը իրականացվում է «Հայկական Կարիտաս» բիկ-ի կողմից: Ծրագրի նպատակն է նպաստել ներառական, հավասար և որակյալ կրթության իրականացմանը՝ համաձայն Կայուն զարգացման նպատակ 4-ի, ՄԱԿ-ի երեխաների իրավունքի կոնվենցիայի հոդված 28-ի և հոդված 23-ի և ՄԱԿ-ի հաշմանդամություն ունեցող անձանց իրավունքների կոնվենցիայի հոդված 24-ի:

Ծրագրի շրջանակներում նկարահանվելու է 1 ֆիլմ, որի նպատակն է գործնական օրինակներով ցույց տալ, թե ինչպես կարելի է աշխատել հաշմանդամություն ունեցող երեխաների (ՀՌԻԵ) հետ դասասենյակում դասապրոցեսի ընթացքում:

ՀԱՅԿԱԿԱՆ ԿԱՐԻՏԱՍԻ ՄԱՍԻՆ

«Հայկական Կարիտաս»-ը հիմնվել է 1995 թ.-ին Հայ Կաթողիկե Եկեղեցու կողմից: «Հայկական Կարիտաս»-ը, ունենալով «Բարեգործական ՀԿ-ի կարգավիճակ», կենտրոնացնում է իր ներքին ջանքերը սոցիալական պաշտպանության և խնամքի, համայնքային զարգացման ծրագրերի վրա, որպեսզի բարելավվի ապրելակերպի և կրթական պայմանները, առավել խոցելի սոցիալական խմբերի առողջությունը, իրականացնում է կայուն վերաինտեգրման միջոցառումներ վերադարձողների համար, մարդասիրական և զարգացման գործողություններ:

Իր գործունեության սկզբից ի վեր, «Հայկական Կարիտաս»-ը տրամադրել է անմիջական աջակցություն հազարավոր մարդկանց Հայաստանի 125 համայնքներում: «Ծառայել տարբեր խոցելի խմբերի սիրով և սրտացավությամբ՝ հարգելով յուրաքանչյուրի արժանապատվությունը». սա է առաքելությունը, որ իրականացնում է «Հայկական Կարիտաս»-ը: Վերջինիս տեսլականն է լինել հզոր և կարևոր դերակատար Հայաստանի Հանրապետությունում սոցիալական արդարության և սոցիալական պաշտպանության հարցում:

«Հայկական Կարիտաս»-ի գլխավոր գրասենյակը գտնվում է Գյումրիում՝ Հայաստանում, և ունի 230 աշխատակից և կամավոր: «Հայկական Կարիտաս»-ը շարունակում է ընդլայնել իր ծառայությունները Հայաստանում և գործում է Շիրակի, Լոռու, Գեղարքունիքի, Արարատի, Սյունիքի մարզերում, ինչպես նաև Երեւան քաղաքում: Այսօր «Հայկական Կարիտասը» հպարտանում է ամուր ինստիտուցիոնալ բազայով, հստակ սահմանված առաքելությամբ և տեսլականով, ինչպես նաև իր բազմաթիվ տեղական և միջազգային գործընկերներով: Այն պահպանում է աճի հզոր ներուժ, որպեսզի ծառայի իր շահառուներին աճող կարողություններով:

«Հայկական Կարիտաս»-ը Կարիտասի Ինտերնացիոնալիզի և Կարիտաս Եվրոպայի անդամ է՝ ավելի քան 160 անդամից կազմված Կարիտասի միջազգային ցանց, որն աջակցություն և օգնություն է տրամադրում արտակարգ իրավիճակներում աշխարհի բոլոր երկրներին:

ԱՇԽԱՏԱՆՔԻ ՇՐՋԱՆԱԿՆԵՐԸ ԵՎ ՏԵԽՆԻԿԱԿԱՆ ՊԱՀԱՆՁՆԵՐԸ

Ֆիլմի նպատակն է բարձրացնել իրազեկվածությունը ներառական կրթության կարևորության և յուրաքանչյուր երեխայի որակյալ կրթություն ստանալու իրավունքի վերաբերյալ: Ֆիլմը մանկավարժների համար ուղեցույց կհանդիսանա՝ դասապրոցեսի ընթացքում աշխատելու հաշմանդամություն ունեցող երեխաների հետ: Սա նախատեսվում է անել ծրագրում ընդգրկված երեխաների, նրանց դասընկերների, ուսուցիչների և դպրոցական համայնքի այլ անդամների դրական օրինակների ցուցադրման միջոցով:

- Ընտրված կամակերպությունը պետք է ներկայացնի ֆիլմի սցենար, որը պետք է հաստատվի Հայկական Կարիտասի կողմից:

- Հաշմանդամություն ունեցող երեխաների ներգրավվածությունը ֆիլմի մեջ պետք է համապատասխանի մարդու իրավունքների չափորոշիչներին:
- Ֆիլմը պետք է նկարահանվի հայերեն՝ անգլերեն ենթագրերով, պետք է համապատասխանի բարձր ստանդարտներին, լինի դինամիկ և հետաքրքիր ոճային լուծումներով: Ֆիլմի ամբողջական տևողությունը չպետք է գերազանցի 5 րոպեն:
- Ֆիլմի ամբողջական պատրաստումը և վերջնական տարբերակի ներկայացումը, ներառյալ սցենարի մշակում, նկարահանում, մոնտաժ, հնչյունավորում և այլն, իրականացվելու է ընտրված կազմակերպության կողմից: Արդյունքում ներկայացվելու է հանրությանը ցուցադրելու պատրաստ բարձրորակ աշխատանք HD տեխնոլոգիայով: Աշխատանքի իրականացման ողջ ընթացքը վերահսկվելու է Հայկական Կարիտասի նշված ծրագրի ղեկավարի և համակարգողի կողմից, ովքեր շարունակաբար ներկայացնելու են իրենց առաջարկները և դիտարկումները:
- Աշխատանքի իրականացման ընթացքում ընտրված կազմակերպությունը պետք է հետևի Ավստրիական զարգացման գործակալության և Կարիտաս Ավստրալի հաղորդակցության և տեսանելիության պահանջներին:
- Վերջնական արդյունքը (1 ֆիլմ) պետք է տրամադրվի Հայկական Կարիտասին 4 DVD սկավառակներով:

ԱՆՀՐԱԺԵՇՏ ՈՐԱԿԱՎՈՐՈՒՄԸ

1. Առնվազն 3 տարվա աշխատանքային փորձ ֆիլմերի/սոցիալական գովազդների պատրաստման ոլորտում:
2. Աշխատանքի իրականացման համար անհրաժեշտ բարձր որակի տեխնիկայի հասանելիություն:
3. Ֆիքսված ժամանակահատվածում աշխատելու և բարձրորակ արդյունք ներկայացնելու կարողություն:
4. Հայերենով հարցազրույցներ վարելու կարողություն (անգլերենով ենթագրեր ներկայացնելու հնարավորությունը կդիտվի առավելություն)
5. Երեխաների պաշտպանության կամ հաշմանդամության ոլորտում ունեցած աշխատանքային փորձը կդիտվի որպես առավելություն:

ԸՆՏՐՎԱԾ ԿԱԶՄԱԿԵՐՊՈՒԹՅՈՒՆԸ ՊԵՏՔ Է ՆԵՐԿԱՅԱՑՆԻ ՀԵՏԵՎՅԱԼԸ՝

1. Նախկինում կատարած նմանատիպ աշխատանքի 2 օրինակ:
2. Աշխատանքի համար նախատեսված սարքավորումների ցանկը, ներառյալ տեսախցիկ, լուսային, ձայնային մասը ապահովող տեխնիկա, և այլ:

3. Աշխատանքը իրականացնող հիմնական թիմի ինքնակենսագրականները և հիմնական պարտականությունները:
4. Նշված աշխատանքի կատարման համար գնային առաջարկ (բյուջե):

ԱԿՆԿԱԼՎՈՂ ԺԱՄԱՆԱԿՑՈՒՅՑԸ

1. Աշխատանքի մանրամասն ժամանակացույցը և աշխատանքային պլանը պետք է ներկայացվի պայմանագրի ստորագրումից հետո 5 օրվա ընթացքում:
2. Ֆիլմը պետք է նկարահանվի և վերջական տեսքով ներկայացվի հոկտեմբեր ամսվա ընթացքում:
3. Ֆիլմի վերջնական տարբերակը պետք է ներկայացվի պատվիրատուին՝ Հայկական Կարիտասին: Աշխատանքը կհամարվի ընդունված Հայկական Կարիտասի հաստատումից հետո:

ԴԻՄԵԼՈՒ ԿԱՐԳԸ

Ընտրության գործընթացին մասնակցելու համար կազմակերպությունը պետք է ներկայացնի իր հայտը Հայկական Կարիտասի էլ. հասցեով՝ info@caritas.am CC-ում դնելով g.norikyan@caritas.am, z.hovhannisyan@caritas.am: Ներկայացված առաջարկը պետք է բավարարի սույն տեխնիկական առաջադրանքների պահանջներին:

Թեկնածուները արդյունքների մասին կտեղեկացվեն ներկայացված առաջարկերի քննարկումից հետո 5 աշխատանքային օրվա ընթացքում:

Հայտերը կարող են ներկայացվել հայերենով կամ անգլերենով:

Նշված պահանջներին չբավարարող և ժամկետից ուշ ներկայացված հայտերը չեն դիտարկվի:

ԴԻՄԵԼՈՒ ՎԵՐՋՆԱԺԱՄԿԵՑ – 15 հոկտեմբեր, 2022